

Jeschräwen von: Edward Hughes

Jemolt von: Janie Forest
Alastair Paterson

Toom Pauss jestalt von: Lyn Doerksen

Äwasat von: Ed Zacharias

Hääjestalt von: Bible for Children
www.M1914.org


©2020 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



De Fru stunt oppem
Boajch. Daut wia doa
lud, un see must doa
waut sea schwoaret
senen. Äa Sän
storf doa. De Fru
wia Maria, Jesus
siene Mame.
Jesus wort doa
aun een Kjriez
jehongen.





Woo kjeem daut? Wuarom
must Jesus sien scheenet
Läwen soon schljachtet
Enj haben? Woo leet Gott
sienen Sän aun

een Kjriez
stoawen?

Wia Jesus
orrajcht

jewast, en waut hee
jesajcht haud? Haud
Gott waut orrajcht
jedonen?





Nä! Gott haud nuscht
orraicht jedonen.
Jesus haud daut emma
jewist, daut schljachte
Menschen am wudden
doot moaken. Aul aus
Jesus gaunz kjlien wia,
haud een oola Maun,
Simeon, to Maria
jesajcht, daut et noch
wudd sea schwoa
sennen.



Een poa
Doag ver
Jesus doot
jemoakt wort,
kjeem eene Fru
un goot Parfum opp
siene Feet. Eenje
Jinja grunsten un
säden, "Daut es
wajchjeschmätnet
Jelt!" Oba Jesus säd,
"See deit waut goodet.
Dit es toom mie
begrowen." Daut hieed
sikj sea framd.




Dan boolt beräd eena
von Jesus siene 12
Jinja, Judas, met de
Huage Priesta, daut hee
an Jesus veroden wudd
fa 30 Stekja Selwa.



Aus dan daut Passafast
kjeem fa de Juden, haud
Jesus siene latste Moltiet
met siene Jinja. Hee säd
an scheene Dinja von Gott
un waut von Vespräakjen
doa wia, fa dee waut am
goot wieren.



Jesus säd siene Frind doa uk, daut eena am veroden wudd, un daut see aula wajchranen wudden. "Ekj woa nienich wajchranen," säd Petrus. Jesus säd, "Ea de Hon kjreien woat, woascht du mie dreemol veroden."





Lota en dee Nacht
jinkj Jesus en dän
Goaden Getsemane
bäden. De Jinja, dee
met am wieren,
schleepen bieaun en.
Jesus bäd, "O mien
Voda, lot dit
Liedenskuffel nich no
mie komen, doch nich
waut ekj haben well,
oba waut du haben
west."



Met eemol wia doa eene Baund en däm
Goaden, un Judas wia met dee met.
Jesus wääd sikj nich fa an, oba Petrus
heiwd eenen Maun sien Ua auf. Jesus
neem daut Ua un heeld däm Maun
sien Ua wada. Jesus wist
daut wia en Gott sienen
Plon daut hee stoawen sull.




De Baund neem Jesus faust, un neemen am no däm
Huagenpriesta sien Hus. Doa säden de Judsche
Leida, daut Jesus
stoawen sull. Petrus
stunt doa nich wiet
auf un paust opp; hee
woamd sikj bie de
Deena äa Fia.



Dreemol säden Menschen doa to Petrus, "Du wiescht uk met Jesus." Krakjt soo aus Jesus jesajcht haud, vestreet Petrus daut dreemol; soogoa opp een Eit.





Un dan kjreid de Hon. Daut
wia fa Petrus aus wan Gott
waut jesajcht haud. Hee
docht aun waut Jesus
jesajcht haud, un hee hield
bettalich.





Judas wort daut
uk leet. Hee wist Jesus wia nich
schuldich; Jesus haud nuscht
orrajchtet jedonen. Judas jinkj
un wull de 30 Selwa Stekja
trigjäwen, oba de Priesta
neemen dee nich trigj.





Judas schmeet daut
Jelt doa dan han, jinkj
rut, un honk sikj.








De Priesta neemen Jesus no
Pilatus, dän Reemischen Gowernia.
Pilatus säd, "Ekj finj kjeene
Schult aun disen Maun." Oba de
Lied schrieen
emma wada,
"Kjriezicht am!
Kjriezicht am!"



Schliesslich jeef Pilatus no,
un veuadeeld am daut see am
aum Kjriez noaglen sullen.



Jesus haud emma jewist daut hee soo stoawen
wudd. Hee wist uk daut sien Doot wudd Vejäwen
brinjen fa Sinda, dee aun am jleewden.




Jesus must stunden lank lieden.
Dan säd hee, "Daut es
foadich," un soo storf
hee. Siene Oabeit
wia foadich. Siene
Frind läden am en
een nieet Grauf.



De Reemische Soldoten
veschlooten daut Grauf,
un pausten opp daut
doa nuscht woaren
sull. Kjeena kunn
doa nenn ooda rut.



Wan dit daut Enj von de
Jeschicht wia, dan wia
daut truarich. Oba
Gott deed waut sea
scheenet. Jesus
bleef nich doot!




Tiedich zemorjes, aum ieeschten
Dach von de Wäakj, fungen
Jesus siene Jinja, daut
de Steen ver daut
Grauf wajch wia.
See kjikjten doa
nenn, un Jesus
wia doa nich.



Eene Fru bleef bie daut Grauf un
hield. Jesus kjeem no ar. See wia
sea jlekjlich, un spood sikj trigj
no de Jinja un säd, "JESUS
LÄFT! JESUS ES VOM
DOOT OPPJESTONEN!"





Nich vül lota kjeem Jesus no de Jinja, un see sagen siene venoawde Henj. Daut wia soo! JESUS LÄWD WADA! Jesus vejeef Petrus daut hee am veloagen haud, un säd de Jinja, see sullen aule Menschen vetalen waut hee jedonen haud. Dan fua Jesus nom Himmel, von wua hee emol de ieeschte Wienachten jekomen wia.



De ieeschte Oostren

Eene Jeschicht von en daut Wuat Gottes,
de Bibel

finjt eena en

Matäus 26-28, Lukas 22-24, Johanes 13-21

"Wan dien Wuat openboat woat,
jefst daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmel! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

